

Saksbehandlar: Merete Farstad, Plan- og samfunnsavdelinga
Sak nr.: 15/11690-1

Regional plan for vassforvaltning for vassregion Glomma

Fylkesrådmannen rår fylkesutvalet til å gjere slikt vedtak:

Fylkesutvalet rår fylkestinget til å gjere slikt vedtak:

1. Fylkestinget vedtek *Regional plan for vannforvaltning i vannregion Glomma 2016-2021* for dei areala som gjeld Sogn og Fjordane.
2. Fylkestinget vedtek Handlingsprogram for *vannregion Glomma 2016* for dei areala som gjeld Sogn og Fjordane.
3. Fylkestinget vedtek *Vannregion Glomma - Regionalt tiltaksprogram 2016-2021* for dei areala som gjeld Sogn og Fjordane.

Vedlegg:

1. Regional plan for vassregion Glomma 2016-2021
2. Tiltaksprogram vassregion Glomma 2016-2021
3. Handlingsprogram vassregion Glomma 2016

SAKSFRAMSTILLING

1. Bakgrunn for saka

Grunnen for at saka er fremja

Arbeidet med ein regional plan for vassforvaltning er forankra i vassforskrifta og utløyst av internasjonale plikter som Noreg har teke på seg knytt til vassdirektivet til EU. Den regionale vassforvaltningsplanen vert vedteken som ein regional plan etter plan- og bygningslova § 8-4 med dei særreglane som kjem av vassforskrifta. Vassforskrifta set nærare rammer for innhald og organisering.

Fylkestinga er regional planstyresmakt jf. PBL § 3-4, fjerde ledd, og skal vedta Regional vassforvaltningsplan med tilhøyrande regionalt handlingsprogram og tiltaksprogram, som ein regional plan. For vassregion Glomma, er dette Fylkestinga i Møre og Romsdal, Oppland, Hedmark, Østfold, Akershus, Oslo, Sør- Trøndelag og Sogn og Fjordane som skal vedta planen. Sogn og Fjordane tek berre stilling til planen for dei vasskjeldene og areala som ligg innafor dei geografiske grensene for fylket. Sogn og Fjordane har svært små område i vassregion Glomma.

For at sentrale styresmakter skal kunne sikre at vi som nasjon følgjer opp dei nasjonale pliktene etter vassdirektivet, skal Klima- og miljødepartementet godkjenne dei regionale vassforvaltningsplanane.

Den regionale vassforvaltningsplanen, vedtaka i dei respektive fylkestinga og godkjenning av planen i Klima- og Miljødepartementet dannar til saman den godkjente forvaltningsplanen. Handlingsprogram og Tiltaksprogram og er det fylkestinga som vedtek og dei går ikkje vidare til Klima- og Miljødepartementet.

Planen gjeld for perioden 2016-2021 og er den første av i alt tre planrundar. Planen skal rullerast kvart sjette år fram til og med 2033.

Vassregion Glomma

Noreg er delt inn i 11 vassregionar, der vassregion Glomma er ein av dei. Vassregiongrensene følgjer nedbørgrensene og ikkje dei administrative fylkesgrensene. Planområdet er samanfallande med plan- og bygningslova § 1-2. Det omfattar alt landområde inkludert vassdraga, grunnvatn og kystvatn ut til ei nautisk mil utafor grunnlina.

Sogn og Fjordane har nokre få mindre parti i vassregion Glomma i fjellområda mot Oppland.

Planprosess

Vassregionmynda for vassregion Glomma er Østfold fylkeskommune. Vassregionmynda styrer plan- og prosessarbeidet med å utarbeide plandokumenta. Planen med tiltaks- og handlingsprogram er utarbeid i samråd med vassregionutvalet. Vassregionutvalet er sett saman av sektorstyresmaktar, kommunane og fylkeskommunar. Med andre ord sit dei som har verkemidlar til å betre vassmiljøet i vassregionutvalet.

Historikk - tidlegare vedtak

Det har vore fire offentlege høyringar i arbeidet

1. Planprogram på høyring 22.12.2010 – 22.06.2011.
2. Vesentlege vassforvaltningsspørsmål, på høyring 1. juli – 31. desember 2012.
3. Forvaltningsplan og tiltaksprogram på høyring 1. juli – 31. desember 2014.
4. 2. gongs høyring av Forvaltningsplan og tiltaksprogram 16. juni t.o.m. 1. oktober 2015, 2. gangshøyring var knytt til knytt til miljømål for vassførekomstane
5. Handlingsprogram var på høyring 17. desember 2014 til 28. februar 2015.

Vassregionutvalet for Glomma har godkjent følgjande dokument i møte 9. oktober 2015:

- Framlegg til *Regional plan for vannforvaltning i vannregion Glomma 2016-2021*, med tilhøyrande dokumenter:
 - o *Vannregion Glomma – Regionalt tiltaksprogram etter vannforskriften 2016-2021*
 - o *Handlingsprogram 2016 – Regional plan for vannforvaltning i vannregion Glomma 2016-2021*.

Sentrale problemstillingar

Planen for Vassregion Glomma set miljømål for berre nokre få vassførekomstar som ligg i Sogn og Fjordane. I databasen Vann-nett er det registrert 3 elvar og 3 innsjøar med svært god økologisk tilstand (her).

3. Vurderingar og konsekvensar

Økonomi- og budsjettkonsekvensar

Dei ulike sektorstyresmaktane, fylkeskommune og kommunane er ansvarleg for å gjennomføre og bere kostnadane ved tiltaka innanfor sine ansvarsområde. Det er den enkelte sektor som og er ansvarleg for kost – nytte vurderingar til planen.

Rettslege konsekvensar

Planen vert rapportert til EFTA sitt overvåkingsorgan ESA og elektronisk til WISE i mars 2016. Tiltak som er satt i verk skal rapporterast til ESA midtvegs i planperioden dvs. utgangen av 2018. ESA vurderer om Noregs gjennomføring av planar er tilfredsstillande. Mangelfull gjennomføring kan ende i EFTA-domstolen.

Plankonsekvensar

Planane skal leggjast til grunn for aktiviteten i regionale organ, for kommunal og statleg planlegging og for generell verksemd i vassregionen jf. vassforskrifta § 29 og plan- og bygningslova § 8-2.

Planen gjeld alle sektorar og skal medverke til å styre og samordne vassforvaltning og arealbruk på tvers av kommune- og fylkesgrenser. Om ein kommune ikkje rettar seg etter retningslinjene, vil dette gi grunnlag for motsegn til planane i kommunen.

Klima- og miljøkonsekvensar

Ved å auke kunnskapsgrunnlaget og å gjennomføre avbøtande tiltak i elvar, innsjøar, grunnvatn og kystvatn vil betre miljøtilstanden i vassførekomstane.

Handtering av høyringsinnspel

Østfold Fylkeskommune har handtert høyringsinnspela. [Høyringsrapport](#) er utarbeid.

4. Konklusjon

Fylkesrådmannen ser på regional plan for vassforvaltning som eit viktig verky i arbeidet med å verne om og betre nytte vassressursane i fylket.

Noreg har ein svært fragmentert vassforvaltning, noko som stiller ekstra store krav til god samhandling. Planarbeidet er difor starten på å styrke heilskapleg vassforvaltning i planperioden og å arbeide langsiktig fram mot 2033 for å nå måla for vassressursane våre.

Fylkesrådmannen rår til at regional plan for vassregion Glomma blir vedteke slik han ligg føre. Fylkesrådmannen rår og til at tilhøyrande Handlingsprogram og Tiltaksprogram vert godkjent som del av planen.